



AN COIMISIÚN
EORPACH

An Bhruiséil, 24.5.2018
COM(2018) 355 final

ANNEX

IARSCRÍBHINN

a ghabhann le

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

**lena leasaítear Rialachán (AE) 2016/1011 maidir le tagarmharcanna ísealcharbóin agus
tagarmharcanna do thionchar dearfach carbóin**

{SEC(2018) 257 final} - {SWD(2018) 264 final} - {SWD(2018) 265 final}

IARSCRÍBHINN

Tagarmharcanna ísealcharbóin agus tagarmharcanna do thionchar dearfach carbóin

MODHEOLAÍOCHT DO THAGARMHARCANNA ÍSEALCHARBÓIN

1. Aon mhodheolaíocht a úsáidtear chun tagarmharcanna ísealcharbóin a ríomh, déanfaidh riarthóir tagarmhairc ísealcharbóin í a chur ar bhonn foirmiúil, a dhoiciméadú agus a chur ar fáil don phobal, agus tuairisc á tabhairt ar na nithe seo a leanas:
 - (a) liosta na sócmhainní foluiteacha a úsáidtear chun an tagarmharc ísealcharbóin a ríomh;
 - (b) na critéir agus modhanna uile, lena n-áirítear tosca roghnaithe agus ualaithe, méadrachtaí agus athróga a úsáidtear i ríomh an tagarmhairc;
 - (c) na critéir a chuirtear i bhfeidhm chun go gcuirfeadh as an áireamh sócmhainní nó cuideachtaí a mbaineann leibhéal loirg carbóin nó leibhéal cúltaisc iontaise leo nach bhfuil oiriúnach le cur san áireamh sa tagarmharc ísealcharbóin;
 - (d) na critéir agus na modhanna faoin gcaoi a dhéanann an tagarmharc ísealcharbóin tomhas ar an lorg carbóin agus ar an gcoigilteas carbóin a bhaineann le sócmhainní foluiteacha sa phunann innéacs;
 - (e) an earráid rianaithe idir an tagarmharc ísealcharbóin agus an máthairinnéacs;
 - (f) athualú dearfach na sócmhainní ísealcharbóin sa tagarmharc ísealcharbóin i gcomparáid leis an máthairinnéacs agus míniú a thabhairt ar an gcúis a bhfuil gá leis an athualú sin chun cuspóirí roghnaithe an tagarmhairc ísealcharbóin a léiriú;
 - (g) an cóimheas idir margadhluach na n-urrús atá sa tagarmharc ísealcharbóin agus margadhluach na n-urrús atá sa mháthairinnéacs;
 - (h) cineál agus foinse na sonraí ionchuir a úsáidtear chun sócmhainní nó cuideachtaí a roghnú atá incháilithe don tagarmharc ísealcharbóin, lena n-áirítear:
 - (i) astaíochtaí ó fhoinsí atá á rialú ag an gcuideachta;
 - (ii) astaíochtaí ó idiú leictreachais ceannaithe, gaile, nó foinsí eile fuinnimh a ghintear go réamhtheachtach ón gcuideachta;
 - (ii) astaíochtaí de thoradh oibríochtaí cuideachta ach nach bhfuil á rialú go díreach ag an gcuideachta;
 - (iv) astaíochtaí a bheadh fós ann dá ndéanfaí níos mó táirgí nó seirbhísí ionadacha astaithe carbóin a chur in ionad na dtáirgí nó na seirbhísí ón gcuideachta ('coigilt astaíochtaí');
 - (v) an úsáidtear nó nach n-úsáidtear sna sonraí ionchuir na modhanna maidir le Lorg Comhshaoil Táirge agus Eagraíochta mar a shainmhínítear iad i bpointí (a) agus (b) de phointe 2 de Mholadh 2013/179/AE ón gCoimisiún;

- (i) neamhchosaint lorg carbóin na punainne innéacs ina hiomláine agus na tionchair mheasta ag straitéis ísealcharbóin arna saothrú leis an tagarmharc maidir le maolú ar an athrú aeráide;
- (j) an réasúnaíocht le straitéis nó cuspóir áirithe modheolaíochta ísealcharbóin a ghlacadh agus míniú ar an gcúis gurb íomchuí an mhodheolaíocht sin chun cuspóirí ísealcharbóin an tagarmhairc a ríomh;
- (k) an nós imeachta chun athbhreithniú inmheánach a dhéanamh ar mhodheolaíocht ar leith agus í a fhorghnó, lena n-áirítear minicíocht athbhreithnithe inmheánigh den sórt sin;

Modheolaíocht le haghaidh tagarmharcanna do thionchar dearfach carbóin

2. Déanfaidh an riarthóir tagarmhairc do thionchar dearfach carbóin, sa bhreis ar na hoibleagáidí is infheidhme do riarthóir tagarmhairc ísealcharbóin, tionchar dearfach carbóin gach sócmhainne foluití a áirítear sa tagarmharc a nochtadh agus sonrúidh sé an fhoirmle nó an ríomh a úsáidtear chun fáil amach an raibh an choigilt astaíochtaí níos mó ná lorg carbóin na sócmhainne infheistíochta nó lorg carbóin na cuideachta ('cóimheas an tionchair dhearfaigh carbóin').

Athruithe ar an modheolaíocht

3. Glacfaidh riarthóirí tagarmharcanna ísealcharbóin agus tagarmharcanna do thionchar dearfach carbóin nósanna imeachta agus cuirfidh siad na nósanna imeachta sin agus an réasúnaíocht is bun le haon athrú ábhartha beartaithe ar a modheolaíocht ar fáil don phobal. Beidh na nósanna imeachta sin i gcomhréir leis an gcuspoir sáraitheach, go cloítear go leanúnach sna ríomhanna tagarmhairc le cuspóirí ísealcharbóin nó cuspóirí tionchair dhearfaigh carbóin. Forálfaidh na nósanna imeachta sin don mhéid seo a leanas:
 - (a) fógra roimh ré i gcreat ama soiléir trína dtugtar deis leordhóthanach d'úsáideoirí anailís agus trácht a dhéanamh ar an tionchar a bheadh ag na hathruithe sin atá beartaithe, ag féachaint do ríomh na riarthóirí ar na himthosca foriomlána;
 - (b) go bhféadfaidh úsáideoirí nótaí tráchta a dhéanamh ar na hathruithe sin agus go ndéanfaidh na riarthóirí na nótaí tráchta sin a fhreagairt, agus go mbeadh na nótaí tráchta sin inrochtana ag gach úsáideoir margaidh tar éis aon tréimhse comhairliúcháin ar leith, ach amháin i gcás ina bhfuil an tráchtair tar éis a iarraidh go gcoimeádfar faoi rún iad.
4. Déanfaidh riarthóirí tagarmharcanna ísealcharbóin agus tagarmharcanna do thionchar dearfach carbóin iniúchadh ar a modheolaíochtaí go rialta chun a áirithiú go léiríonn siad go hiontaofa na cuspóirí ísealcharbóin nó tionchair dhearfaigh carbóin agus go bhfuil próiseas i bhfeidhm chun dearcaí úsáideoirí ábhartha a thabhairt san áireamh.”.